



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LV. Declarat Electiones duas Monachorum Cisterciensium Congregationis
Hispaniæ in Abbatem non posse sibi immediate succedere.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Sanctorum in caelis regnantium, qui tradita sibi talenta non defoderunt in terram, sed uberi bonorum operum fructu multiplicarunt, venerationem, fovendamque, & incitandam erga illos fidelium devotionem fidei prudentia, quantum Nobis ex alto conceditur, erogare studeamus.

Motiva.

§. 1. Itaque praclaræ Sancti Benedicti Abbatis, qui despectis omnibus, quæ mundus amat, & colit, cælestis gratiæ benedictione repletus, sanctæ conversationis studii, miraculique eximie claruit, & Monachorum Regulam scriptis discretione præcipuam, sermone luculentam, sub qua numerosa Religiosorum Monachorum, Sanctimonialiumque agmina Deo, hodieque strenuè militant; Sanctæ quoque Scholasticæ ejus Sororis, quæ speciosis virginitatis, pietatis, aliarumque virtutum molibus exornata in amplexum Sponsi Cælestis evolavit; ac Sanctorum Placidi, qui primus Monachorum Ordinis ejusdem Sancti Benedicti Martyrii gloria decorari meruit, & Mauri Abbatis Monastici Instituti in Galliis Propagatoris eximii, aliorumque innumerorum Sanctorum Ordinis præfati Professorum in Ecclesiam Dei merita pio devotoque animi affectu recolentes: necnon dilecti filii Idephonfi de Mier Monachi expressè professi, & Procuratoris Generalis Congregationis Hispaniæ dicti Ordinis, in sacra Theologia Magistri, Supplicationibus Nobis super hoc humiliter porrectis inclinati; ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christifidelibus verè penitentibus, & confessis, ac sacra Communione refectis, qui aliquam ex Ecclesiis quorumcumque Monasteriorum, tam Monachorum, quam Monialium, Regulam Sancti Benedicti profitentium, hæcenus erectis, & in posterum quandocumque erigendis, ac ubicumque locorum existentibus, in eorundem Sanctorum Benedicti, & Scholasticæ, ac Placidi, & Mauri Festis diebus, necnon die decima tertia Novembris, qua omnium Sanctorum Ordinis prædicti commemoratio ibidem fieri solet, à primis vespere, usque ad occasum solis dierum hujusmodi, annis singulis devotè visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, quo die ex præfatis id egerint, Plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Concedit ut
in rubr.

Transumpto-
rum fides.

Dat. P. An. 2.
die 19. Decembris.

§. 2. Volumus autem, ut earundem præsentium Litterarum transumptis, seu exemplis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides ubique habeatur, quæ haberetur ipsis præsentibus, si forent exhibitæ, vel ostensa.

Dat. Romæ apud S. Mariam Majorem sub Anulo Piscatoris die 19. Decembris 1671. Pontificatus Nostri Anno Secundo.

LV.

Declarat Electiones duas Monachorum Cisterciensium Congregationis Hispaniæ in Abbatem non posse sibi immediate succedere.

Cisterciensium Ordinis pro reformatione Constitutionem edidit Alexand. VII. 168. In suprema, pag. 244. ubi aliqua ad materiam reperies.

CLEMENS PAPA X.

Ad perpetuam rei memoriam.

Edita A. D.
1671.

Exordium.

EX debito Pastoralis officii, quo Catholicæ Ecclesiæ regimini divina dispositione præside-

mus ad ea peculiare vigilantia Nostræ curas libenter convertimus, per quæ prospero Christifidelium sub suavi monastici instituti jugo vora sua reddere Deo laudabiliter studentium gubernio, quietique religiosæ conducibilia fore in Domino arbitramur.

§. 1. Exponi siquidem nobis nuper fecit dilectus filius Dionysius Mantilla Procurator Generalis Congregationis Sancti Bernardi Hispaniæ Monachorum Ordinis Cisterciens. quod cum in ultimo Capitulo Generali dictæ Congregationis die 6. Maji proximi, & sequen. celebrato, tam Nostræ die 14. Februarii eidem proximè præteriti, quam fel. record. Clementis PP. IX. Prædecessoris Nostri in simili forma Brevis Litteræ de nonnullorum Venerabilium Fratrum Nostrorum Sanctæ Romanæ Ecclesiæ Cardinalium, & dilectorum filiorum Romanæ Curie Prælatorum super Reformatione dicti Ordinis deputatorum die 15. Octobris 1669. respectivè ad restituendam, tuendamque in eadem Congregatione religiosæ tranquillitatis serenitatem emanatæ, cum omni reverentia acceptatæ, & unanimi consensu executioni demandatæ fuerint, dilecti pariter filii Generalis Reformatore, & Definitoris dictæ Congregationis in eodem Capitulo congregati Nobis supplicandum esse censuerunt, ut earundem Litterarum observantiam nonnullis salubribus statutis muovere atque stabilire vellemus. Quare dictus Dionysius Procurator Generalis, Generalis Reformatore, & Definitorum prædictorum nomine Nobis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

Peticio.

§. 2. Nos igitur eorundem Generalis Reformatore, ac Definitorum, & Dionysii Procuratoris Generalis votis hac in re quantum cum Domino possumus favorabiliter annuere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodatæ existunt ad effectum præsentium tantum consequen. harum serie absolven. & absolutas fore censentes, hujusmodi supplicationibus inclinati, Auctoritate Apostolica tenore præsentium statimus, & ordinamus, ut de cetero eorum Monachorum dictæ Congregationis, qui triennio immediate præceden. fuerint Abbates aliquorum Monasteriorum ipsius Congregationis fieri non possint reelectiones in Abbates Monasteriorum aliorum ejusdem Congregationis, ita ut Monachus, qui in fine triennii proximi anteceden. functus fuerit munere dignitatis Abbatialis non possit triennio immediate sequen. eligi in Abbatem, neque in Monasterio in quo fuerit Abbas in fine triennii proxime præceden. neque in alio Monasterio Congregationis prædictæ. Volumus enim duas electiones ejusdem Monachi in Abbatem sibi immediate succedere, unam scilicet triennio proxime anteceden. in uno Monasterio, alteram vero triennio proxime subsequen. in eodem Monasterio, vel in alio. Ab hac tamen lege excipimus Abbatiam Monasterii Palaziolensis, cuius Abbas est Generalis Reformatore, & eligi debet, tam ex Abbatibus, quam ex aliis Monachis habilibus totius Congregationis prædictæ. Ceterum qui triennio anteceden. fuerit Generalis Reformatore, & Abbas Palaziolensis non possit eligi in Abbatem alicujus Monasterii ejusdem Congregationis triennio immediate sequen.

Declarat ut
in rubr.

Excipit Abbatiam Palaziolensem.

Abbatem, à quibus eligendi sunt.

§. 3. Porro Abbates à Monachis Conventualibus Monasteriorum dictæ Congregationis amplius non eligantur, sed Abbatum hujusmodi electio in Definitorio celebretur hac forma videlicet, ut post electionem Definitorum, Visitatorum, Suppletorum, Secretarii Capituli, & Promotoris Con-

gregationis prædictæ eligantur Canonice sex Electores, qui eo ipso, quod assumunt officium Electoris non habeant vocem passivam in ulla electione Abbatum celebranda in eodem triennio. Hi autem sex Electores cum Generali Reformatore, & sex Definitoribus canonicè eligant Abbates pro quibuslibet Monasteriis Congregationis prædictæ, ita ut qui in electione Abbatis cujuslibet Monasterii ex tredecim prædictis vocalibus videlicet Generali Reformatore, sex Definitoribus, & dd. sex Electoribus majorem partem suffragiorum habuerit, sit electus Abbas illius Monasterii, cujus Abbatie celebratur electio. Prædicti autem Generalis Reformator, sex Definitores, & sex Electores debeant eligere Abbates, tam pro Monasterio Matritensi Sanctæ Annæ, ac Collegiis Salmanticensi, & Complutensi, quam pro cæteris Monasteriis totius Congregationis prædictæ. Et similiter omnes prædicti debeant eligere Procuratores Generales Curie Romanæ, Matriti, Vallisoleti, & Cornubiæ.

Electores esse debeant.

§. 4. Ex dictis verò sex Electoribus tres debeant esse oriundi ex Terris suis citrà montes, prout de Definitoribus decrevit memoratus Clemens Prædecessor; Et sicut ex eadem Domo Matrice non possunt eligi duo Definitores, ita nec duo Electores filii ejusdem Domus Matricis eligi possint.

Monachi quando eligere possint Abbat. m.

§. 5. Quod si morte, promotione, renunciatione, aut privatione aliqua Abbatia vacaverit, Monachi illius Monasterii cujus Abbas obierit, aut renunciaverit, vel privatus fuerit duorum dierum naturalium spatio, qui numerari debeant à defuncti morte, renunciatione à Generali Reformatore admittà, atque Conventui juridicè notificata, aut privatione per definitivam sententiam confirmata, & intimata cum suo Præsidente, vel Præposito in suo Capitulo congregati, ad electionem Abbatis ejusdem Monasterii procedant, & ex Monachis ejusdem Monasterii, sive fuerint ex Domibus quæ vulgò nuncupantur Matrices, sive ex aliis Monasteriis dictæ Congregationis qui habiles sint, conditionesque requisitas juxta leges ejusdem Congregationis habeant, sibi liberè Abbatem eligant. Priorque aut Conventui Præsidentis electionem factam canonicè confirmet. Si autem Monachus aliquis peregrè profectus sit, qui suffragium, & vocem activam habeat, vel longè à Monasterio degat pro fundi Monasterii ejusdem administratione, qui spatio prædictorum duorum dierum naturalium non possit interesse electioni, ad ipsam electionem vocari non debeat. Sed statim electio fiat intra spatium duorum dierum naturalium ab illis Monachis Conventualibus, qui intrà prædictum spatium in Monasterio fuerint præsentibus. Si verò intrà prædicti temporis spatium Abbas electus non fuerit à Monachis Conventualibus Monasterii, ad Generalem Reformatorem provisio Abbatis ejusdem Monasterii devolvatur.

Observationem præsentium mandat.

§. 6. Cæterum si quis Monachorum Congregationis prædictæ, contra præsentium Litterarum dispositionem quidquam facere, vel attentare præsumperit, poenam privationis vocis activæ, & passivæ eo ipso absque alia declaratione se noverit incursum.

Volumus autem, & dicta auctoritate præcipimus ut in proximè futuro Capitulo Generali memoratæ Congregationis, omnes Capitulares antequam ad aliquam electionem procedant, jurent super Sancta Dei Evangelia observari omnia & singula per præsentibus Litteras statuta, & ordinata. Ipsaque præsentibus Litteræ inter Definitiones juratas collocentur, & in singulis Capitulis Generalibus in posterum quandocumque celebrandis omnes Capitulares jurejurando se ad illarum observantiam adstringant antequam ad ullam electionem procedant; ut moris est jurare Definitiones quæ in Congregatione prædicta nuncupantur juratæ.

§. 7. Decernentes easdem præsentibus Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, & ab illis ad quos spectat, & pro tempore quandocumque spectabit in omnibus, & per omnia inviolabiliter, & inconcusse observari, & adimpleri.

§. 8. Sicque, & non aliter in præmissis per quoscumque Judices ordinarios, & delegatos etiam Canfarum Palatii Apostolici Auditores, ac Sanctæ Romanæ Ecclesiæ prædictæ Cardinales, & de latere Legatos, & Apostolicæ Sedis Nuncios, sublata eis, & eorum cuilibet quavis aliter iudicandi, & interpretandi facultate & auctoritate iudicari, & definiti debere; ac irritum, & inane si secus super his à quoquam quavis auctoritate scienter, vel ignoranter contigerit attentari.

Nec aliter iudicari posse decernit.

§. 9. Non obstantibus Constitutionibus, & Ordinationibus Apostolicis, ac quatenus opus sit Congregationis, ejusque Monasteriorum, seu Collegiorum, & ordinis prædictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Contrariis derogat.

§. 10. Demum volumus pariter, ut ipsarum præsentium Litterarum transumptis, seu exemplis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem ubique fides in iudicio, & extra adhibeatur, quæ præsentibus adhiberetur si forent exhibitæ, vel ostensæ.

Transumptorum fides.

Datum Romæ apud S. Mariam Majorem sub Anno Piscatoris die 24. Decembris 1671. Pontificatus Nostri anno secundo.

D.P. A.S. die 24. Dec.

Confirmatio Indulgentiarum Confratribus, & Confororibus Confraternitatis B. M. V. de Monte Carmelo, à Paulo V. concessarum.

LVI.

CLEMENS PAPA X.

Edita A. D. 1671.

Ad perpetuam rei memoriam.

CUM, sicut accepimus, aliàs fel. recor. Paulus Papa V. Prædecessor Noster Confraternitati Sanctissimi Scapularis nuncupatæ sub invocatione Beatæ Mariæ Virginis de Monte Carmelo, ejusque Confratribus, & Confororibus verè poenitentibus, & confessis, ac sacra communione refectis, qui Ecclesiam, seu Capellam, vel Oratorium, in qua, seu quo Confraternitas hujusmodi canonicè instituta fuisset, in festo principali Commemorationis ejusdem Beatæ Mariæ Virginis die decima sexta mensis Julii, aut juxtà ritum nonnullorum locorum, die Dominica immediate sequenti celebrari solito devotè visitassent, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pijs ad Deum precibus effudissent, Plenariam; ac eisdem Confratribus, & Confororibus etiam verè poenitentibus, & confessis, ac sacra Communione refectis, qui processioni, in una Dominica cujuslibet mensis per dictam Confraternitatem, de licentia Ordinariorum locorum fieri solitæ devotè interfuissent, & ut suprà oravissent, Plenariam similiter omnium peccatorum suorum Indulgentiam, & remissionem, necnon alias poenitentiarum relaxationes eisdem Confratribus, &

Causæ constituit.

Con-